



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1625

Consideratio septima de peccatis, quæ tendunt contra specialia beneficia,
quæ à Christo Seruatore nostro accepimus.

urn:nbn:de:hbz:466:1-39652

Consideratio septima de peccatis, quæ tendunt contra specialia beneficia, quæ à Christo Seruatore nostro accepimus.

CONSIDERA primum, particulare illud beneficium, quod à Christo D. N. in *Baptismo* accepisti: quo simul cum caractere & Christianismi signo, gratiam infudit, & Charitatem, Fidem, Spem, reliquasque virtutes ac dona Spiritus Sancti, imò & ipsum Spiritum Sanctum, tanquam animæ tuæ hospitem: Sed contra peccatis tuis quadruplicem huic beneficio iniuriam intulisti. *Prima* est, quæ ab eavita degenerasti, quam talis professio exigit. *a* *habes enim nomē quod viuis, & tamen mortuus es;* cognominaris Christianus & vitam ducis Gentilis. *Deinde* iniuriā intulisti gratiæ & charitati acceptæ: eius pulchritudinem maculans ac deformans venialibus peccatis: lacerans deinde ac destruens pretiosam hanc vestem, nullo habito respectu valoris eius, aut donantis Domini. *Tertio* septem Spiritus S. dona destruxisti, eumque cum magna ignominia è domo tua expulisti; eiusque loco Daemonem ad habitandum admisisti. *Ultimo* characterem ipsius Baptismi, & virtutes Fidei & Spei, quæ tibi super sunt, pudore affecisti: eò quod inclusas & captiuitas eas teneas, ne possint ad bonorum operum exercitationem prodire; sed in eadem cauerna cum peccatis tuis, quæ sunt peiora latronibus & homicidis, sepultæ maneant. Quapropter omnes illæ ante diuinæ Iustitiæ tribunal contra te clamabunt, petentes liberari se ab hac tyrannide: nisi tu per penitentiam id facias. Defleas igitur amare, iniuriam his virtutibus illatam; & Ingratitudinem in ipsum Spiritum S. qui cum donis suis in te habitauit: donec dignetur cum eisdem redire,

CVM hoc beneficio alterum est coniunctum, quod Christus D. N. te fecerit viuum Ecclesiæ suæ membrum, domusque suæ habitatorem: donans tibi ordinariam spiritualem portionem ex mensa sua, Sancta scilicet Scriptura, Sanctis Euangelijs, & sanctissimo Altaris Sacramento; certumque pignus, quod post hanc peregrinationem transferet te ad domum & habitationem æternam triumphantis Ecclesiæ, quæ est in cælo Empyreo. Sed quid putas, te fecisse cum peccasti? audi ipsius Dei querelas per suum Prophetam: *b* *quid est, quod dilectus meus in domo mea fecit scelera multa?* quod infideles extra domum meam manentes scelera admittant, non mirarer: quia sunt cæci, & absque vera fide vitam extra meam Ecclesiam ducunt; carentes auxilijs, quæ in ea habentur. quod verò tu, quem ego adeò dilexi, in quem tot beneficia contuli, audeas in domo mea, in conspectu meo, non vnum peccatum, sed multa; non lenia, sed magna committere: quænam huius erit causa? quid potes, o peccator, ad hanc questionem respondere: nisi gratæ tuæ culpam confitendo? Nam cum per fidem sis huius domus inhabitator, vita tamen

VII.

Christus benefactor.

1. Punctum Baptismus.

a Apoc. 3. 1. Quatuor iniuria Peccatoris.

2. Punctum.

b Jer. 11. 15.

Filijs peccata magis affligunt.

c. Luc. 15. 13.

Filius prodigus.

3. Pñctum.

1.
d. Isai. 1. 9.Deus facilis
erga peccatores.2.
Vocationis
anima con-
stantia.3.
c. Cor. 2. 9.
Peccatum
in summa
extrema.

tua remotissimus es ab ea: nam tanquam filius ille prodigus c. profectus est e domo cœlestis Patris in regionem quandam longinquam: tanta est mores tuos inter & illius distantia: ubi esca, quæ tibi datur, est communis cum porcis; & adhuc in tanta paucitate, ut famem tuam non satiet. *revertere itaque in tempus, quemadmodum filius ille prodigus; magnoque sensu delicta tua desce, procidens ad Patris tui pedes: donec in domum suam te admittat, habitumque pristinum reddat: habeasque portionem filiorum in signum, quod te faciat unum ex illis.*

SED & in hoc ipso advertere licet aliud quoddam singulare beneficium, propensionis sc. ac facilitatis, qua cœlestis tuus Pater, tuam poenitentiam admittit; lecumque & auxilium, ad eam peragendam præbet. d. nisi enim Dominus reliquisset tibi hoc semen, iam fuisses quasi Sodoma. Verum in hoc ipso perpendes merito detestandam tuam malitiam, qua ex eadem facilitate ac promptitudine, qua Deus peccata remittit, occasionem & audaciam accipis, ad peccata perpetranda, sæpiusque repetenda. Quoties quæso es confessus: & mox, tanquam canis ad vomitum, in eadem, quæ confessus; aut in alia maiora es relapsus? Videris cum Deo certare, ut tu pecces, & confitearis; ipse vero audiat, ac condonet: & mox peccatum repetis, atque si eius patientiam experiri velis: an ignosceret non solum septies, sed septuagies septies. Iustum quidem est glorificare Deum, ob eam humanitatem & facilitatem, qua tibi ignoscit: sed æquius est tamen, ut inde occasionem non accipias eundem iterum offendendi; sed flendi potius, ob offensum eum, qui aded facile compatitur, & sustinet servum aded impudentem.

QUI autem dices de beneficio Vocationis, quo tantam inspirationum & illustrationum cœlestium copiam ad te mittit, quæ te ad virtutum exercitationem prouocent? & licet innumeras earum in corde tuo suffocaueris: non tamen desistit, easdem frequenter immittere: ut legnitiem tuam excitet, animumque addat ad veræ poenitentiae exercitationem. Et fortè, cum hoc ipsum legis, easdem tibi mittit, prouocans ad flendum, & gemendum, ob tuam hactenus resistantiam.

DENIQUE quemadmodum S. Apostolus ait: *nec oculis vidit, nec auris audivit, nec in cor hominis ascendit* honorum magnitudo, & copia, quæ communicat Deus suis electis etiam in hac vita: ita etiã nec oculus potest videre, nec auris audire, nec cor hominis potest comprehendere, quantum malum sit unum peccatum, & quanta amittas bona, quantisque malis te subijcias, quãdo illud admittis. Quamobrè tantus dolor tibi est concipiendus ob illud admissum, ut quoscunque dolores ob reliquas iacturas, & miseras cõceptos excedat; detestando illud ex toto tuo corde, anima, spiritu, & viribus: Nam quemadmodum Deus summè est diligendus: ita peccatum est summo odio habedum.